

文苑英華卷第一百七十六

詩二十六

應制九

昆明池七首

興慶池八首

降慶池一首

公主林亭四十一首

送公主十七首

昆明池

奉和晦日幸昆明池應制

沈佺期

見初學記

法駕乘春轉神池象漢回雙星遺舊石孤月隱殘灰戰鷁

逢時志思魚望幸來岸花緹綺繞堤柳幔中開思逸橫汾

唱歡流宴鎬杯微臣彫朽質羞覩豫章材

同前

宋之問

見新詠

一作逾

春豫臨池近滄波。帳殿開舟陵石鯨。度查拂斗牛迴節。晦
冀全落春遲柳。暗催象湏。一作看浩景。燒劫辨沉灰。鎬飲
一作周文樂汾歌。一作漢武才不愁。明月盡自有夜珠來。
在鎬

同前

李义

玉輅尋春賞金堤。重晦遊川通黑水。漫池派紫泉。流晃朗
扶桑出絲聯。樹杞周鳥疑。烟海處人似。隔河秋劫盡。灰猶
識年移石。故溜汀州歸。棹晚簫鼓雜。汾一作行一作謳。

同前

蘇頲

炎曆事邊垂。集作昆明始鑿池。豫遊光後聖。征戰罷前規。
霽色清珍字。年芳入錦陂。御盃蘭薦葉。仙仗柳交枝。二石
分河寫雙珠。代月移微臣。比翔泳思廣。自無涯。

昆明池侍宴應制

沈佺期

武帝伐昆明。穿池集五兵。水同河漢在。館有豫章名。我后
光天德。垂衣文教成。黷兵非帝命。勞物豈皇情。春豫過鯨
沼。雲旗出鳳城。靈魚銜寶躍。仙女廢機迎。柳拂旌門暗。蘭
依帳殿生。還如瀉水曲。日晚棹歌清。

賜宴昆明池應制

張嘉貞

靈沼初開漢神池。舊俗疑堯昔人徒習。武明代此聞韶地。
脉山川勝天恩。雨露饒時光。牽利舸春淑。覆柔條芳醞。醒
千日華。牋落九霄。幸承歡賚重。不覺醉歸遙。

恩制尚書省寮宴昆明池同用堯字

蘇頲

露渥灑雲霄。天官次斗杓。昆明四十里。空水涵晴朝。鴈似

銜紅葉鯨凝噴海潮翠山來徹底白日去迴標泳廣漁杖
溢浮深妓舫搖飽恩皆醉止合舞共歌堯

興慶池

興慶池侍宴應制

徐彥伯

夾道傳呼翊翠虬天迴日轉御芳州清潭曉靄籠仙躡紅
嶼晴花隔綵旒香溢金杯環廣座聲搖妓舸匝中流群臣
相慶嘉魚樂共晒橫汾歌吹秋

同前

李適

拂霧金輿丹旆轉凌晨黼帳碧池開南山倒影從雲落北
澗搖花寫溜迴急漿爭標排苻渡輕帆截浦觸荷來橫汾
宴鎬歡無極歌舞年年聖壽杯

同前

武平一

鑿輿羽駕出城隈帳殿旌門此地開皎潔靈潭圖日月參
差畫舫結樓臺波搖岸影隨橈轉風送荷香入酒來願奉
聖情歡不極長遊春漢幾昭回

同前

劉憲

蒼龍闕下天泉池軒駕來遊簫管吹綠堤夏條嬰不散冒
水新荷卷復披帳殿疑從畫裏出樓船直在鏡中移自然
東海神仙處何用西崑轍迹疲

同前

蘇頲

降鶴池前迴步輦栖鸞樹杪出行宮山光積翠遙相疑
逼水態含情集作清近若空初云山光逼嶼疑無地水態迎
疏若有風特為趙郡李义范陽盧

從愿所賞借存焉但末句直視天河垂象外俯窺京室盡
又押起風故此用近若空
圖中皇歡未使恩波極日暮樓船更起風

同前

沈佺期

碧水澄潭映遠空紫雲香輦御微風漢家宮闕疑天上秦
地山川似鏡中向浦迴舟萍已綠分林蔽殿槿初紅古來
徒羨橫汾賞今日宣遊聖藻雄

同前

帝元旦

蒼池漭沆帝城邊殊勝昆明鑿漢年夾岸旌旗疏輦道中
流簫鼓振樓船雲峯四起迎宸幄冰樹千重入御筵宴樂
已深魚藻詠承恩更欲奏并泉

同前

帝元旦

神池汎濫水盈科仙蹕紆餘步輦過縱棹洄沿萍溜合開
軒眺賞麥風和潭魚在藻欣游泳谷鳥含櫻入賦歌寄謝
乘槎溟海客疑頭來此問天河

隆慶池

侍宴隆慶池應制

張說

靈池月滿直城隈黼帳天臨御路開東沼初陽疑吐出南
山曉翠若浮來魚龍百戲紛容與鳧鷖雙舟較泝洄願以
集作金堤青草馥長承瑤水白雲杯

公主林亭

侍宴安樂公主新宅應制

宗楚客

星橋他日構仙榜此時開馬向鋪錢埽簫聞弄玉臺人疑

衛叔美客有

一作是

馬卿才借問遊天漢誰能帶石迴

同前

趙彥昭

雲物中京曉天人外館開飛橋象河漢懸榜學蓬萊北闕
臨仙檻南山送壽杯一窺輪奐畢更思棟梁材

同前

武平山

紫漢秦樓敞黃山魯館開簪裾分上席歌舞列平臺馬既
如龍至人疑學鳳來幸忻聯棣萼何以接鄒枚

侍宴安樂公主莊應制

李嶠

黃金瑞榜絳河隈白玉仙輿紫府來碧樹青岑雲外聳朱
樓畫閣水前開龍舟下瞰鮫人室羽節高臨鳳女臺
歡娛歌吹晚揮戈却使耀靈迴

同前

趙彥昭

六龍齊軫御朝曦雙鷁維舟下綠池飛觀仰看雲外聳浮
橋直見海中移靈泉巧鑿天孫渚孝筭能抽帝女枝幸願
一生同草樹年年歲歲樂於斯

同前

宗楚客

玉樓銀榜枕巖城翠蓋紅旗列禁營日映層巖圖畫色風
搖雜樹管絃聲水邊重閣含飛動雲裏孤峯類削成幸觀
八龍遊崑閭無勞萬里訪蓬瀛

同前

盧藏用

皇女瓊臺天漢潄星橋月宇構山林飛羅半拂銀題影瀑
布環流玉砌陰菊浦香隨鸚鵡泛簫笙韻逐鳳凰吟瑤池

駐蹕恩方久璧月無聞興轉深

同前

蘇頌

駸駸羽騎歷城池帝女樓臺向曉披霧洒旌旗雲外出風
迴巖岫雨中移當軒半落天河水繞逕全低月樹枝簫鼓
宸遊陪宴日和鳴雙鳳喜來儀

同前

蕭至忠

西郊窈窕鳳凰臺北渚平明法駕來匝地金聲初度曲周
堂玉溜好傳杯灣路分遊畫舟轉岩間相向碧亭開微臣
此時承宴樂彷彿疑尋星漢迴

同前

岑羲

銀榜重樓出霧開金輿步輦向天來泉聲迴入吹簫曲山
勢遙臨萬歲杯帝女含笑流飛電乾文動色象昭回誠願
北極惟堯日微臣抃舞詠康哉

同前

集作興慶寺
侍宴應制

李乂

金輿玉輦背三條水閣山樓望九霄野外初迷七聖道河
邊忽覩二靈橋懸冰滴滴依虬箭清吹泠泠雜鳳簫向晚
平陽歌舞合前溪更轉木蘭橈

同前

馬懷素

主家臺沼勝平陽帝幸歡娛樂未央掩映瑤窓文極浦參
差綉戶曉迴塘泉聲百處歌傳曲樹影千重舞對行聖酒
一霑何以報惟期頌德奉時康

同前

韋元旦

銀河南浦帝城隅帝輦平明出九衢刻鳳蟠螭陵邱桂穿
池構石寫蓬壺瓊簫暫下鈞天樂綺綴長懸明月珠仙榜
承恩爭既醉方知朝野更歡娛

同前

李迴秀

結旦重門聞警蹕傳言太主奏山林是日迴輿羅百綺此
時歡甚賜千金鷺羽鳳簫參樂曲荻疑作園竹徑接帷陰
手舞足蹈方無極年年歲歲奉薰琴

同前

李適

平陽金榜鳳凰樓沁水銀河鸚鵡州綵仗遙尋丹壑裏仙
輿暫幸綠亭幽前池錦石蓮花艷後嶺香爐桂棨秋貴主
稱觴萬年壽還輕漢武濟汾造

同前

薛稷

主家園宇一作極新規帝郊遊豫奉天儀歡宴瑤臺鎬京
集賞賜銅山蜀道移曲閣交映金精板飛花亂下珊瑚枝
借問今朝八龍駕何如昔日指仙池

同前

沈佺期

皇家貴主好神仙別業初開雲漢邊山出盡如鳴鳳嶺池
成不讓飲龍川粧樓翠幌教春住舞閣金鋪昔借日懸敬從
乘輿來此地稱觴獻壽自鈞天

同前

劉憲

主家別墅帝城隈無勞海上覓蓬萊杏嶂懸流平地起危
樓曲閣半天開庭莎作薦舞行出浦樹相障歌棹迴此日

風光與形勝祗言併伴聖詞來

侍宴長寧公主東莊應制

李嶠見初學記

別業臨青甸鳴鸞降紫霄長筵駕鸞集仙管鳳凰調樹接

南山近烟舍北渚遙承恩咸已醉戀賞來還鑣

同前 崔湜

沁園東閣外襄一作駕一遊盤水榭宜時陟山樓向晚看

席臨天女貴杯接近臣歡聖藻懸宸象微臣竊仰觀

同前 李適

鳳樓紆睿幸龍舸暢宸襟歌舞平陽第園亭沁水林山花

添聖酒澗竹繞薰琴願奉瑤池駕千春待德音

同前 鄭愔

公門襲漢皇主第稱秦玉池架祥鱣序山吹鳴鳳曲拂席

蘿薛垂迴舟菱荷觸平陽妙舞處日暮清歌續

同前 劉憲

公主林園地清晨降玉輿畫橋飛渡水仙閣湧臨虛晴新

看蛺蝶夏早摘芙蓉文酒娛遊盛忻叨侍從餘

同前 李义

紫禁乘雷集作動青門訪水嬉貴台鱣序集初學記作上台鱣序慶

仙女鳳樓期合宴簪紳滿承恩雨露滋北辰還掛日東館

集作幸逢時

遊長寧公主林亭應制六首有序不錄上官昭容

玉環藤遠構金埒荷殊榮弗玩珠璣飾仍留仁智聲鑿山

便作室憑樹即爲楹公輸與班爾從此遂韜聲

二

登山一長望正遇九春初結駟填街衢閭閻滿色居聞雪
梅花吐驚風柳未舒直愁斜日落不畏酒樽虛

三

霽晚氣清和披襟賞薜蘿玳瑁疑雲色琉璃漾水波跋石
聊長笑攀松乍短歌除非物外者誰就此經過

四

暫爾遊山第淹留惜未歸霞窓明月滿澗戶白雲飛書引
藤爲架人將薜作衣此直攀桂所臨睨賞光輝

五

放曠出烟雲蕭條不自群漱流清意府隱几避囂氛石畫
裝苔色風梭織水文山室何爲貴唯餘蘭桂薰

六

策杖臨霞岫危步下霜谿志逐深山靜途隨曲澗迷漸覺
心神逸俄看雲霧低莫惟人題樹祇爲賞幽棲

同公主遊九龍潭

唐則天武后

山窓遊玉女澗戶對瓊峯巖頂翻雙鳳潭心倒九龍酒中
浮竹葉杯上瀉芙蓉故念山家賞唯有入風松

奉和初春幸太平公主南莊應制 李嶠

主家山第接雲開天子春遊動地來羽騎參差花外轉電
旗遙颺日邊回還將石溜調琴曲更取峰霞入酒杯鸞輅

一作

已辭烏鵲渚簫聲猶繞鳳凰臺

同前

蘇頌

主家山第早春歸御輦春遊繞翠微買地鋪金會集作新作
埒尋河取石舊支機雲間樹色千花滿竹上泉聲百道飛
自有神仙鳴鳳曲併將歌舞報恩暉

同前

沈佺期

主第山門起灞川宸遊風景入初年鳳凰樓下歌天仗烏
鵲橋頭一作邊敞御筵往往花間逢綵石時時竹裏見虹泉
今朝扈蹕平陽館不羨乘槎雲漢邊

同前

宋之問

青門路接鳳凰臺素澹宸遊龍騎來澗草白迎香輦合巖
花應待御筵開文移北斗成天象酒近南山作壽杯此日
侍臣將石去共歡明主賜一作錫金迴

同前

李乂

平陽館外有仙家沁水園中好物華地出東郊迴日御城
臨南斗度雲車風泉韻逸集作逸幽林竹雨霰飛初學記作光搖
雜樹花已慶時來千億壽還言日暮九重賒

同前

韋嗣立

主第嚴扃架鵲橋天門闔闔降鸞鑣歷亂旌旗轉雲樹參
差臺榭入烟霄林間花雜平陽舞谷裏鶯和弄玉簫已陪
沁水追歡日行奉茨山訪道朝

同前

宋邕

傳聞銀漢石支機復見金輿出紫微織女橋前烏鵲度仙
人樓上鳳凰飛風流入座飄歌扇瀑水侵階濺舞衣今日
還同犯牛斗乘槎共逐海潮歸

同前

邵昇

沁園嘉麗奪蓬瀛翠碧紅泉遶上京二聖忽從鸞殿幸雙
仙正下鳳樓迎花含輦步空間出樹雜帷宮畫裏成無路
乘槎窺漢渚徒知訪卜就君平

過太平公主山亭侍宴應制

張昌宗

淮南有小山羸女隱其間折桂芙蓉浦吹簫明月灣扇掩
將鶻曲釵承墮馬鬟歡情本無限莫掩洛陽關

宴長樂

集作安樂

公主宅應制

宋之問

英藩築外館愛主出玉宮賓至星槎落仙來月宇空玳梁
翻駕燕金埒倚晴虹簫奏秦樓裏書開魯壁中短歌能駐
日艷舞欲嬌風聞有淹留處山阿滿桂叢

送公主

奉和送金城公主適西蕃應制 李嶠

漢帝撫戎臣絲言命錦輪還將弄機女遠嫁織皮人曲怨
關山月粧消道路塵所嗟穠李樹空對小榆春

同前

崔湜

懷戎前策備降女舊姻修簫鼓辭家怨旌旃出塞愁尚孩
中念切方遠御慈流顧乏謀臣用仍勞聖主憂

同前

劉憲

外館踰河右行營指路岐和親悲遠嫁忍愛泣將離旌旆
羌風引軒車漢水隨那堪馬上曲時向管中吹

同前

張說

清海和親日潢星出降時戎王子塔寵漢國舊家慈春野
開離宴雲天起別詞空彈馬上曲詎減鳳樓思集作悲

同前

薛稷

天道能殊俗深仁乃戢兵懷荒寄赤子忍愛鞠蒼生月下
瓊娥出星分寶婺行關山馬上曲相送不勝情

同前

閻朝隱

甥舅同初學記作重親地君臣厚帝初學記作義鄉還將貴公主嫁
與傳檀郎鹵簿山川間初學記作關琵琶道路長迴瞻父母國

日出在東方

同前

蘇迥

帝女出天津和戎轉蜀輪川經斷腸望地與析支隣奏曲
風嘶馬銜悲月伴人旋知偃兵革長是漢家親

同前

韋元旦

柔遠安夷俗和親重漢年軍容旌送國節命錦車傳琴曲
悲千里簫聲戀九天唯應西海月來就掌中圓

同前

徐堅

星漢下天孫車服降殊蕃匣中詞易切馬上曲虛繁關塞
移朱額風塵閣錦軒簫聲去日遠萬里望河源

同前

崔日用

聖后經綸遠謀臣計畫多受降追漢策築館許戎和俗化
鳥孫壘春生積石河六龍今出餞雙鶴願為歌

同前

鄭悖

下嫁戎庭遠和親漢禮優笳聲出虜塞簫曲背秦樓貴主
悲黃鶴征人怨紫駟皇情眷億兆割念俯懷柔

同前

烏春

集作

李適

絳河從遠聘清海赴和親月作臨邊曉花為度鳥春主歌
悲顧鶴帝策重安人獨有瓊簫去悠悠思錦輪

同前

馬懷素

帝子今何去重姻適異方離情愴宸掖別路迭關梁望絕
園中柳悲躔陌上桑空余怨一作願黃鶴西域傳公主歌曰願為黃鶴兮歸故

卿東顧憶迴翔

同前

武平一

廣化三邊靜通姻四海安還將膝下愛持副域中歡聖念
飛玄藻仙儀下白蘭日斜征蓋沒歸騎動鳴鑾

同前

徐彥伯

鳳衆憐簫曲鑿閨念掌珍虜一作漢庭遙作館漢一作廟策重
和親星轉銀河夕花移玉一作海樹春聖心棲遠近一作送遠留

蹕望征塵

一作皆初學記

同前

唐遠愜

皇恩睠下人割愛遠和親少女風遊允姮娥月去秦龍笛
迎金榜驪歌送錦輪那堪桃李色移向虜庭春

一作天行

同前

沈佺期

金榜挨丹掖銀河屬紫闈那堪將鳳女還似嫁烏孫玉就
歌中怨珠辭掌上恩西戎非我匹明主至公存

此卷校正一百四十二字四月初九日

文苑英華卷第一百七十六

文苑英華卷第一百七十七

詩二十七

應制十 送餞

餞中書侍郎來濟二首

幸望春宮送朔方軍大總管張亶六首

送沙門弘景等還荊州二首

送張說巡邊二十二首 送崔日知往潞州二首

餞王峻巡邊二首 送宇文融安輯戶口一首

送李邕之任滑臺一首 送新除岳牧一首

送十道採訪使及朝使二首

送李尚書入蜀一首

送不蒙都護兼鴻臚卿歸安西一首

餞中書侍郎來濟

唐太宗

曖曖去塵昏 灞岸飛飛輕
蓋指河梁 雲峯依結千重葉
雪岫花開幾樹粧 初學記 作芳
深愁黃鶴孤舟遠 獨歎青山別路
長聊將分袂沾襟淚 還用持添離席觴

奉和餞來濟應詔

許敬宗

萬乘騰鑣警岐路 百壺供帳餞離宮
御溝分水聲難絕 廣宴當歌曲易終
興言共傷千里道 俯迹聊示五情同
良哉既深留帝念 沃化方有贊天聰

奉和幸望春宮送朔方軍大總管張亶 李嶠

玉塞微 疑 驕子金符命 老臣三軍張
武施萬乘 餞行輪 猛氣陵玄朔 崇恩降紫宸
投醪還約士 辭第本忘身 露下鷹初擊
風高鴈欲賓 方銷塞北侵 還靜漠南塵

同前

劉憲

命將擇耆年 圖全勝必全 光輝萬乘餞
威武二庭宣 中衢橫鼓角 曠野蔽旌旃
推食天厨至 投醪御酒傳 涼風過鴈苑
殺氣下鷄田 分閩恩何極 臨岐動睿篇

同前

李义

邊郊草具腓 河塞有兵機 上宰調梅寄
元戎細柳威 武貔東道出 鷹隼北庭飛
王匣謀中野 金輿下太微 投醪銜餞酌
緝衮事征衣 勿謂公孫老 行聞奏凱歸

同前

蘇頲

北風吹早鴈 日夕渡河飛 冷氣膠應折
霜明草正腓 老臣

帷幄筭元宰廟堂機飲酒回先蹕前卷作臨戎解御衣軍
裝乘曉發師律候春歸方佇勳庸盛天詞降紫微

同前

鄭愔

御蹕下都門軍麾出塞垣長楊誇武騎細柳按戎軒睿曲
風雲動邊威鼓吹喧坐帷將闔外俱是報明恩

同前

李適

地限驕南牧天臨餞北征解衣延寵命橫劍總威名豹畧
恭宸旨雄文動睿情坐觀膜拜入朝夕受降城

送沙門弘景道俊玄裝還荊州應制 李嶠

三乘歸淨域萬騎餞通裝注就月離亭近彌天別路長荆南
旋仗鉢渭北限津梁何日紼員果還來入帝鄉

同前

李义

初日承歸旨秋風起贈言漢珠留道味江璧返真源地出
南關遠天回北斗尊寧知一柱觀却啓四禪門

送張說巡邊有序不錄

唐玄宗附見張說集

端拱復垂裳長懷御遠方股肱申教義戈劍靜要荒命將
綏邊服雄圖出廟堂三台入武帳八座起文昌寶胄匡朝

集作主華宗輔漢王茂先慚博物平子謝文章盡節恢時

佐輸誠禦寇塲三軍臨朔野駟馬即戎行鼓吹威夷狄旌

軒溢集作洛陽雲臺先着美今日更貽芳

將赴朔方軍應制 張說

禮樂逢明主韜鈴用老臣恭憑神武策遠禦集作鬼方人

文苑英華 卷一百一十七 三

供帳承恩餞山川喜詔巡天文日月送朝賦管絃新幼志
傳三畧衰材謝六軍膽猶忠作屏集作伴心固集作故道為隣

漢保河南地胡清塞北塵早集作連年大軍後邇集作不日小

康辰劍舞輕離別歌酣忘苦辛從來思博望許國不謀身

奉和聖製送張尚書巡邊 源乾曜

匈奴邇河朔漢地須集作復戎旅天子擇英才朝端出監撫

流星下閭闔寶鉞專公輔禮物生光輝宸章集作意備恩詔

有征是視集作是示矛戟制勝唯尊俎彼美何壯哉桓桓擅斯舉

聲華振臺閣功德標文武奉國知命輕忘家以身許安人

在勤恤保太殫襟腑此外無異言同情報明主以下十篇並附載張

說集

同前 張嘉貞

天錫我宗盟元戎付夏卿多才兼將相必勇獨橫行經緯

稱人傑文章作代英山川看是陣草木想為兵不待河水

合猶防塞月明有謀當繫醜無戰且綏氓閩外傳三畧雲

中冀一平感恩心共集作共心盡悵別旅魂驚直視前旌掣遙

聞後騎鳴還期方定日復此出郊迎

同前 宋璟

帝道薄存兵王師尚有征是關司馬法爰命總戎行畫集作

畫闡崇威信分麾盛寵榮聚觀方結轍出祖遂傾城聖酒

江河潤天詞象緯明德風邊草偃勝氣朔雲平宰國推良

器為軍挹美集作壯聲至和嘗得體不戰即忘精以智泉寧

集作 專 集作 虞魂

竭其徐海自清遲還朝堂座贈別故人情

同前

盧從愿

上將發文昌中軍靜朔方占星引旌節擇日拜壇場禮樂
臨軒送威聲出塞揚安邊俟帷幄制勝在巖廊作鼓將軍
氣投醪壯士觴戒途遵六月離贈動三光槐路清梅暑蘅
臯起集作赴麥涼時文仰雄伯耀武震遐荒衽席知無戰兵
戈示不忘佇聞歌杖杜凱入繫明王

同前

許景先

文武承邦式風雲感國禎王師親賦政廟畧久論兵漢主
知三傑周官統六卿四方分閩受千里坐謀成介冑辭前
殿壺觴宿左營賞延頒賜厚集作重宸贈出車榮龍武三軍
氣魚鈴五校名郊雲駐旌羽邊吹引金鉦訓集作捧振旅方稱
德安人更克貞佇觀銘石罷同聽凱歌聲

同前

韓休

一德光台象三軍賞集作掌夏卿來威申廟畧出總叶師貞
受鉞辭金殿憑集作馬軒出集作去鼎城曙光搖組甲踈吹遶
雲旌左律方先凱中輦即訓兵定功張武事陳頌紀天聲
祖宴初留賞宸章更寵行車徒靈雨送林野夕陰生路極
河流遠川長朔氣平南轅遲返旆歸奏謁承明

同前

徐知仁

聖德膺三統皇威備集作被八挺大明均照物小醜未寧邊
國相台衡重元戎廟畧宣紫泥方受命黃石乃推賢問罪

陰山下安人屬國前度關行照月乘障坐消烟北闕紆宸
藻南橋列祖筵耀威當夏日殺氣指秋天鞞鼓奮鼉振旌
旗鳥獸懸由來詞翰首今見勒燕然

同前

崔羽錫

供帳何煌煌公其撫朔方羣僚御餞酌明主降離章關塞

重門下郊岐禁苑傍陳兵宜雨濯集作洗卧鼓候風涼炎景

寧云憚神謀肅所將旌搖天月迥騎入塞雲長赫赫皇威

振油油聖澤滂非唯按車甲兼以正封疆叱咤陰山道澄

清瀚海陽虜垣行決勝台座佇爲光

同前

胡皓

燕公爲漢將武德奉文思利用經戎莽英圖叶聖詒塞沙

制長策窮石捲搖旗萬里要相賀三邊又在茲稜威方逐

逐談笑坐怡怡寵餞紛郊道充厨謁御司嘗醪企行邁聽

樂罷連而袞旒垂翰墨纓蕤迭賦詩金山無積阻玉樹有

華滋請迨炎風暮歸旌候此時

同前

王翰

紫綬尚書印朱駟承相車登朝身許國出閫將辭家不憚

炎蒸苦親嘗走集賒選途軍有政集作令誓卒爾無譁帝樂

風初起王城日半斜寵行流聖作寅餞照台華騎歷河南

樹旌搖塞北沙榮懷應盡服嚴殺已先加業峻靈祗保功

成道路嗟寧如集作知恐非鑿空使遠致石榴花

同前

崔泰之

南庭胡運盡北斗將星飛旗鼓臨沙漠旌旗出洛畿關山
遶玉塞烽火映金微屢獻惟謀策頻承廟勝威蹀躞臨河
騎透迤渡隴旂地脉平千古天聲振九圍車馬生邊氣戈
鋌駐落暉夏近蓬苜轉秋深草木腓餞送紆天什恩榮賜
御衣佇勒燕然頌鳴騶計日歸

同前

王丘

德業蘊時宗幽符夢象通台司計析父師律總元戎出入
敷能政謀猷體至公贈行光睿計宴別感宸衷文炳高天
曜恩垂湛露融建牙之塞表鳴鼓接雲中策密鬼神秘威
成劍騎雄朔門正炎月兵氣已秋風肅殺從此始方知胡
運窮 諸篇十韻此止九韻

同前

蘇晉

方漢比周年興王今在宣亟聞降虜拜復覩出軍 集作篇
析父萬邦式英猷三畧傳算車申夏政菱舍起戎田嚴問
盈 集作盟 胡苑軍容濟洛川皇情悵關施詔餞列郊筵路接
禁園草池分御井蓮離聲軫去角居念斷歸蟬三捷豈云
求七擒良信然具寮有誠寄望凱秋風前 以下十三篇並附載張說集

同前

王光庭

賢相得符克朝推文武雄海波光若鏡關草預從風鉞助
將軍勇威成天子功瓊章九霄發錫宴五衢通玉輶龍盤
帶金裝鳳頸驄虎貔分儼儼河洛振熊熊戈劍千霜白旌
旄 集作旗 萬火紅示刑夷狄變流惠鬼神同寇息軍容偃塵

銷朔野空用師敷禮樂非是為獯戎

同前

袁暉

出師宣九命分閫用三台始應幕中畫言從天上來丹青

不獨任韜畧遂雙該坐見威稜洽彌彰事業恢旌旗曉雲

送鞞鼓朔風催虜氣銷殘月邊聲韻落梅羽書雄北地龍

漢寢南埃

集作埃

寵戰黃金盡輸戈

集作誠

白日廻離章宸翰

發祖讎國門開欲識恩華盛平生文武才

同前

席豫

聖帝重兵權分麾屬大賢中軍仍執節

集作政

丞相復巡邊

翕習戎裝動張皇廟畧宣朝榮承睿札野餞轉行旃亭障

東緣海沙場北際天春冬見巖

集作巖

雪朝夕候烽烟已勒

封山記

集作燕山頌

猶聞遣戍篇五營將月合八陣與雲連經

絡

集作畧

圖方遠懷柔道更全歸來畫麟閣霽霽武功傳

同前

張九齡

宗臣事有征廟筭在休兵天與三台座人當萬里城朔南

方偃革河右暫

集作誓非

揚旌寵錫從仙禁光華出漢京山川

勤遠畧原隰軫皇情為動薰琴唱仍題寶劍名聞風六郡

勇計日五戎平山甫歸應疾留侯功復成歌鍾旋可望枕

席豈難行四牡何時入吾君憶履聲

同前

徐堅

至德撫遐荒神兵赴朔方帝思元帥重爰擇股肱良累相

承開地深籌叶子房寄崇專斧鉞禮備設壇場鞞鼓喧雷

霜集作

八十五卷

黃文

電戈劍凜風霜四黃集作將戒道十乘起先行聖賜集作
加恒數天文耀寵光出郊開帳飲寅餞盛離章雨濯梅林
潤風秋麥野涼燕山應勒頌麟閣佇名揚

同前

崔日用

軒相推風后周官重夏卿廟謀能允迪韜畧又縱橫吉日
差集作黃馬宣王六月兵擬清鷄鹿塞先指朔方城列將
懷威撫匈奴畏盛名去當推轂送來佇出郊迎絕漠蓬將
斷華筵槿正榮杜心看舞劍別緒應懸旌睿錫承優旨乾
文復寵行暫勞期未逸赫矣振天聲

同前

賀知章

荒景盡懷忠梯航已自通九攻雖不戰五月尚持戎遣戍

徵周牒恢邊垂漢功撰車命元宰授律取文雄胄出天孫

上謀成帝幄中詔旂分夏物專討錫唐弓帳宿伊川集作

右鈺傳集作晉苑東甕人籍蕢實樂正理絲桐岐陌涵餘

雨離川照晚集作虹恭聞詠方叔千載舞皇風

賜日支往潞州

唐玄宗

潞國開新府壺關寵舊林集作妙旌循吏德持集作悅庶

昨心禮樂中朝貴仁明列郡欽陽風非贈扇易俗是張琴

藩鎮謳謠蒲集作行宮雨露深會書丞相策先賜潁川金

奉和賜崔日知往潞州應制

張說

聖情留曩鎮佳氣翊興王增戟雄都府高車轉太常川橫
八諫濶山帶五龍長連帥初恩命天人舊紀綱餞途非御

藻闔鏡自生光明主徵循吏何年下鳳凰

錢王駿巡邊

唐玄宗

振武威荒服揚文肅遠墟金壇申將禮玉節授軍符免胄
三方外銜刀萬里餘昔時吳會靜今日虜庭墟分闔仍推
轂援桴且訓車風颺旌旗遠雨洗甲兵初坐見台階謚行
聞祆祲除檄來須插羽箭去亦飛書舟楫功斯著鹽梅望
匪踈不應陳七德欲使化先敷

奉和錢王駿巡邊應制

張說

六月歌周雅三邊念夏卿欲施攻戰法先作簡稽行禮樂
知謀帥春秋識用兵一勞堪定國萬里即長城策有和戎
利威傳破虜名軍前雨洒道樓上月臨營別藻瑤華降同
衣錦褰榮關山由義近戈甲為恩輕絲竹路傍散風雲馬
上生朝廷為吉甫邦國望君平

奉和送宇文融安輯戶口應制 前人

至德臨天下勞情遍九圍念茲人去本蓬轉將何依迓避
征戍數內傷親黨稀嗟不逢明盛胡能照隱微栢臺簡行
李蘭殿錫朝衣別曲動秋風恩令生春輝使出四集作西海
安詔下萬心歸忤無夔龍佐徒歌鴻鴈飛

送李邕之任滑臺

唐玄宗

漢家重東郡宛彼白馬津黎庶既蕃殖臨之勞舊臣遠別
初道路今行方及春課成應第一良牧爾當仁
奉和聖製漕橋東送新除岳牧 蘇頲

寶賢不遺俊臺閣盡駕鸞未若調人切其如簡帝難閣上
才應出典中肯念分官特以專城貴深惟列郡安政行思務
本風靡屬勝殘有令田知急無分獄在寬至言題睿札殊
淫洒仙翰詔餞三台降朝榮萬國歡舉杯臨水發張樂擁
橋觀式佇東風會鏘鏘簡玉壇

奉和聖製送十道採訪及朝集使 張九齡

三年一上計萬國趨河洛課最力已陳賞延恩復博垂衣
深共理改瑟期咸若首路迴竹符分鑣揚木鐸戒程有攸
往詔餞無淹泊昭晰動天文殷勤在人瘼侍集作久聖念
茲克終朝所托行矣當自強春耕庶秋獲

奉和聖制暮春送朝集使歸郡一作都非王維見集本

萬國仰宗周衣冠拜冕旒玉乘迎大客金節送諸侯祖席
傾三省塞帷向九州楊花飛上路槐色蔭通溝未預鈞天
樂歸分漢主憂宸章類河漢垂象滿中州

奉和聖製送李尚書入蜀 張九齡

睿言感忠義何有間山川徇節今如此離情空復然皇心
在勤恤德澤委昭宣周月成功已集作明年或勞旋

奉和聖製送不蒙都護兼鴻臚卿歸西安 王維

上卿增命服都護揚歸旆雜虜盡朝周諸胡皆自會鳴笳
瀚海曲按節陽關外落日下河源寒山盡秋塞萬方氛稷
息六合乾坤泰無戰是天心天心同覆載

此卷校正一百三十四字今日竟校得三卷半月以來所

未有也

四月初九日藏園記

文苑英華卷第一百七十七

文苑英華卷第一百七十八

詩二十八

應制十一

寺院四十首

雜題六首

宮觀十三首

雜題六首

寺院

過慈恩寺

唐太宗

日宮開百仞月殿聳千尋花蓋飛員影幡虹曳曲陰霞綺

遙籠帳叢珠細網林廖廓烟雲表超然物外心

奉和同前應制

許敬宗

鳳閣隣金地龍旂拂寶臺雲楣將葉並風牖送花來月宮

清晚桂虹梁絢早梅梵鏡留宸矚揆發麗天才

和九月九日登慈恩寺浮圖應制 李嶠

瑞塔千尋起仙輿九日來
奠房陳寶席菊蕊散花臺
御氣

鵬霄迥一作雜升高鳳野開天歌
將梵樂空裏共徘徊

同前 趙彥昭

出豫一作御乘嘉節憑高陟一作出
梵官皇心蒲塵界佛迹見

虛空日月宜長壽天人一作天
得大通喜聞題寶偈受記莫

由同 一作皆雜詠

同前 鄭愔見雜

湧霄開寶塔倒影駐仙輿
鴈子乘堂處龍王起藏初秋風

聖主曲佳氣史官書願獻
重陽壽承歡萬歲餘

同前 劉憲

飛塔雲集作香霄半清晨羽旆一作仙
遊登高一作憑

月遠近一作寥見中州御酒新寒退
天文瑞景流一作寶却

邪將介福一作獻茲日奉千秋 一作皆雜詠

同前 李义

湧塔開玄地臨高層瞰紫微鳴鑾雜詠
陪帝出攀椽翊天飛

慶洽重陽壽文含列象輝小臣叨載筆無以雜詠
頌巍巍此

同前 宋之問見雜

鳳刹尋雲半虹旌倚日邊散花多寶塔
張樂布金鈿時菊

芳仙醞秋蘭動脣篇香街稍欲晚清暉
扈歸天

同前 婕妤上官氏雜詠
崔湜

帝里重陽節香園萬乘來却邪奠結珮
獻壽菊傳杯塔類

承天藻門疑待佛開睿詞懸日月長得御雜詠作仰昭回

閏九月九日幸揔持寺登浮圖應制 李嶠

閏節開重九真游下太千花寒仍薦菊座晚更披蓮刹風

回雕輦幡橫間綵梅還將西梵曲助入南薰絃

同前雜詠作和聖製閏九月九日登裝嚴揔持二寺閣 宋之問

閏月再重陽仙輿歷寶坊帝歌雲稍白御酒菊尤黃風鐸

喧行滿天花拂舞行豫游多景福梵宇自生光

同前 劉憲見雜詠

重陽登閏序上界叶時巡駐輦天花落開筵妓樂陳城端

刹在見雲表露盤新臨睨光輝滿飛文動睿神

同前 李乂見集本

清蹕幸禪樓前驅歷御清還疑九日豫更想六年遊聖藻

輝纓珞仙花綴冕旒所欣延億載寧祗慶重秋

奉和幸三會寺應制寺傳云蒼頡造書臺 李嶠

故臺蒼頡里新邑紫泉居歲在開金寺特來降玉輿龍形

雖起刹鳥迹尚留書竹是蒸清外池仍點墨餘天文光聖

草寶思合真如謬奉千靈日欣陪十地初

同前 鄭愔

鳥籀遺新閣龍旂訪古臺造書臣頡往觀籍帝義來睿覽

山川匝宸心宇宙該梵音隨駐輦天步接承杯舊苑經寒

露殘池開劫灰散花將捧日俱喜聖慈開

同前 劉憲

峇崑蒼史臺敞朗紺園開戒旦壺人警翻霜羽騎來下輦
登三襲褰旒望九垓林披館陶榜水浸昆明灰網戶飛花
綴幡竿度鳥廻豫遊仙唱動蕭洒出塵埃

同前

李义

睿德惚無邊神臯釋勝緣二儀齊法駕三會禮香筵漢闕
中黃近秦山太白連臺疑觀鳥日池似刻鯨年蒲月臨真
境秋風入御絃小臣叨下列持管謬窺天

同前

真字集作玉泉集作雨徹集作漏徹宋之問

六飛廻玉輦雙樹謁金仙瑞鳥呈真宇神龍吐玉泉淨心
遙證果睿想馱超禪塔湧花香地山圍日月天梵音迎雨
徹空樂倚雲懸今日登仁壽長看法鏡圓

同前

婕妤上官氏

釋子談經處軒臣刻字晉故臺遺老識殘簡聖皇求駐蹕
懷千古開襟望九州四山緣塞合二水夾長流宸翰陪瞻
仰天杯接獻酬太平詞藻盛長願紀鴻休

奉和幸大薦福寺

寺即中宗舊宅

李嶠

應詔鴈沼開香域鸚一作林降綵旒還窺圖鳳宇更坐躍龍川
桂嶼朝群辟蘭宮列四禪半宮銀閣斷分砌寶繩連甘雨
申譙澤慈雲動沛篇馱慚贊作礪空喜福成田

同前

趙彦昭

初地瑤池龍飛後金身佛現時千花開國界萬善累皇基北闕
承行幸西園屬住持天衣拂舊石王舍起新祠刹鳳迎瑤

輦幡虹駐綵旗同沾小雨潤竊仰大風詩

同前

宋之問

香刹中天起宸遊蒲路輝乘龍太子去駕象法王歸殿飾
金人影窓搖玉女扉稍迷新草木遍識舊庭闈水入禪心
定雲從寶思飛欲知皇劫遠初服綠銖衣

同前

鄭愔

舊邸三乘闕佳宸萬騎留蘭圖奉葉偈芝蓋拂花樓圖會
人王法宮還天帝遊紫雲成寶界白水作禪流鴈塔昌基
遠鸚林曙草抽欣承大風曲竊預小童謳

同前

劉憲

地靈傳景福天駕儼鈞陳佳哉藩邸舊赫矣梵宮新香塔
魚山下禪堂鴈水濱珠幡映白日鏡殿瀉青春甚歡延故
吏大覺極生人幸承歌頌末長奉屬車塵

同前

李乂

象設隆新宇龍潛想舊居碧樓披集作玉額丹枕導金輿
代日興光近周星掩曜初空歌清沛筑梵樂美河書帝造
還三界天文賁六虛空疎哉孝理日崇德在真如

薦福寺應制

趙彥昭

雲驟驅半景星蹕坐中天國誕玄元聖家尋碧落仙玉杯
鸞薦壽寶筭鶴知年一覩雲華唱欣承道德篇

奉和同前應制

宋之問

梵筵光聖邸仙象覽宏規不改靈光殿因開功德池蓮生

新步葉桂長昔攀枝湧塔庭中見飛樓海上移聞韶三月
幸觀象七星危欲識龍歸處朝來雲氣隨

星危集作星垂

岳寺應制

前人

暫幸珠筵地俱憐石瀨清泛流張翠幕拂迴挂紅旌雅曲
龍調管芳樽蟻泛觥陪權玉座晚復得聽鍾聲

少林寺應制

前人

紺宇橫天室回鑿指帝休曙陰迎日盡春氣抱岳流空樂
繁行漏香煙薄綵遊玉膏從此泛仙馭接浮丘

從幸香山寺應制

沈佺期集無

南山奕奕通丹禁北闕峩峩連翠雲嶺上樓臺千地起城
中鍾鼓四天聞旃檀曉閣金輿度鸚鵡晴林綵毳分願以
醍醐參聖酒還將祇苑當秋汾

奉和聖制同皇太子遊慈恩寺應制

前人集無

肅肅蓮花界熒熒貝葉宮金人來夢裏白馬出城中湧塔
初從地焚香欲遍空天歌應春籥非是爲春風

同前二首

張說

翼翼宸思集作思永煌煌福地開離光升寶殿震氣遶香臺
上界幡花合中天妓樂集作日月來願君無量壽仙藻屢徘徊

二

朗朗神居峻軒軒瑞象威聖王集作君成願果太子拂天衣

至樂三靈會深仁四皓歸還聞澗水曲更繞白雲飛

奉和聖制七月十五日題章敬寺應制 崔元翰

妙道本非說殊途或異名聖人得其要俱以化群生鳳吹
從上苑龍宮連直城花鬢列廣殿雲蓋一作駐前庭松竹
含新韻一作軒窓有餘清緬懷崆峒事須繼管絃一作聲
離相境都寂忘言理更精城中信稱大天下乃為輕屈已
由濟物堯心豈所榮一作皆雜詠

駕幸天長寺應制

釋廣宣

天界宜春賞禪門不掩關宸遊雙闕外僧隱百花間連馬
喧長路煙雲淨迤山觀空復觀俗皇鑒此中閑

駕幸普救寺應制

前人

南方寶界幾由旬八部同瞻一佛身寺壓山河天宇靜樓
懸日月鏡光新重城柳暗東風暖複道花明上苑春何煖
鸞與歸鳳闕曲江池上動青蘋

駕幸聖容院應制

前人

大唐國裏千年聖王舍城中百億身却指容顏非我相自
言空色是吾真深殿處身隨寶輦廣庭徐步引金輪古來
貴重緣親近狂客暫為待從臣

紅樓院應制

前人

紅樓疑見白毫光寺逼宸居福盛唐支遁愛山情慢切曇
摩泛海路空長經身夜息聞天語鑪氣晨飄接御香誰道
此中難可到自憐深院得徊翔

寺中賞花應制

前人

東風萬里送香來上界千花向日開却笑霞樓紫芝侶桃

源深洞訪仙才

寺中柿樹一葉四顆詠應制

前人

珍木生竒畝低枝拂梵宮因開四界分果本自百花中當夏
陰涵綠臨秋色變紅君看藥草喻何試太陽宮

雜題

降誕日內庭獻壽應制

前人

慶壽千齡遠敷仁萬國通登霄欣有路捧日愧無功仙駕
三山上龍生二月中脩齋長樂殿講道大明宮此地人難
到諸天事不同法筵花散後空界蒲香風

早秋降誕日獻壽二首應制

前人

秋冀開七葉元聖誕千年繞殿祥風起當空瑞日懸道光
中國主人識大羅仙敢贊無疆壽香花上法筵

二

萬方瞻聖日九土仰清光罄地山河壯彌天福壽長瑞烟
燠法界真偈起人王願獻千秋樂千秋樂未央

禁中法會應制

前人

天上萬年枝人間不可窺道場三教會心地百王期待讀
沾恩早傳香駐日遲在筵還何道通籍許言時空媿倍仙
列何階峇聖慈從今精至理長願契無為

再入道場紀事應制

前人

南方歸去再生天內殿今年異昔年見闢乾坤新定位看
題日月更高懸行隨車輦登仙路坐近爐烟講法筵自喜

恩深陪侍從兩朝長在聖人前

雜言奉和聖製至承光院見自生藤感其得地因

以成詠應制同用時字

崔元翰

新藤正可翫得地又逢時羅生密葉交綠蔓欲布清陰垂
紫莖已帶朝光暖猶含輕露滋遙依千華殿稍上萬年枝
餘芳連桂樹積潤傍蓮池豈如幽谷無人見空覆荒榛雜
兔絲聖心對此應有感隱跡如斯誰復知懷賢勞未嘆比
物賦新詩聘丘園訪茅茨為謝中林士王道本無私

宮觀

幸白鹿觀應制

李嶠

駐驂三天路回車萬仞溪真庭群帝饗洞府百靈棲玉酒

仙爐釀金方暗壁題佇看青鳥入還陟紫雲梯

同前

崔湜

御旗探紫籙仙仗闢丹丘捧藥芝童下焚香桂女留一作流
鸞歌無歲月鶴語寄春秋臣朔其何幸常陪漢武遊

同前

沈佺期

紫鳳真人劫班龍太上家天流芝蓋下山轉桂旌斜聖藻
垂寒露仙杯落晚霞唯應問王母桃作幾時花

同前

劉憲

玄遊乘落暉仙宇暖非微石梁縈澗轉珠旆掃壇飛芝童
薦膏液松鶴舞駉駉還似瑤池上歌成周馭歸

同前

李乂

制蹕乘驪阜迴輿指鳳京南山四皓謁西岳兩童迎雲幄
臨玄圃露集作霞是杯薦赤城神明近茲地何必往蓬瀛

同前

武平一

王府凌三曜金壇駐六龍綵旒懸倒景羽蓋偃喬松玄圃
靈芝秀華池瑞液濃謬應沾舜渥長願奉堯封

同前

張說

洞府寒山曲天遊日旰回披雲看石鏡拂雪上金臺行徑
龍驟下松庭鶴轡來雙童還薦藥五色耀仙才

同前

徐彥伯

鳳輿乘八景龜籙向三仙日月移平地雲霞綴小天金童
擎紫藥玉女獻青蓮花洞留宸賞還旗繞夕烟

同前

蘇頌

碧虛清吹下藹藹入仙宮松嶝攀雲絕花源接澗空受符
邀羽使傳訣駐香童謠似閑居日徒聞有順風

奉和御聖一作聖

製登降聖觀與宰臣同望之作 王維

鳳泉朝碧落龍圖耀金鏡維岳降二臣戴天臨萬姓山川
八校蒲井邑三農竟比屋皆可封誰家不相慶林疎遠村
出野曠寒山淨帝城雲裏深渭水天邊映佳集作喜氣含風
景頌聲溢歌詠端拱能任賢彌彰聖君聖

奉和聖製慶玄元皇帝玉像之作 前人

明君夢帝見集作光寶命上齊天秦后徒聞樂周王恥卜年

玉京移大像金籙會群仙承露調天供臨空敞御筵斗迴

迎壽酒山近起爐烟願奉無為化齋心學自然

安國寺隨駕幸興唐觀應制 釋廣宣

東林何獻是西隣禪客垣墻接羽人萬乘遊仙宗有道三
車引路本無塵初傳寶訣長生術已證金剛不壞身兩地
盡脩天上事共瞻鸞駕重來迎

奉和華清宮觀行香應制 崔國輔

天子藥珠宮接臺碧落通豫遊皆汗漫齋處即崆峒雲物
三光裏君臣一氣中道言何所說寶曆自無窮

雜題

春日從駕新亭應制 劉孝綽

旭日輿論動言追河曲遊紆餘出紫陌出入迤漉度青樓

前驅掩蘭徑後乘歷芳洲春色江中滿日一作雪華巖上留

江風傳葆吹巖花映采旂臨渦起霄作駟馬暫停輶侍從

榮前院雍容暫昔留空然等彈一作翰非徒嗟未適一作皆集

本

侍從途中口號應制 閻朝隱

疵賤出山東忠貞任土風因敷河朔藻得奉洛陽宮一顧

侍御史再顧給事中常願粉飢骨特荅造化功

扈從出長安應制 杜審言

分野都畿列時乘川集作六御均京師舊西幸洛道此東巡

文物驅三統聲名走百神龍旗紫漏夕鳳輦拂集作出鈞陳

撫迹地靈古遊情皇覽鑒新山追散馬日水憶釣魚人禹食

傳中使堯樽遍下臣省方稱國阜問道識風淳歲晚天行
吉恩豐景從親歡娛包歷代宇宙兩宜春集作忽

初冬從幸漢故青門應制

沈佺期

漢皇建都邑渭水對青門朝市俱東逝墳陵共北原荒涼
蕭相闕蕪沒邵平園全盛今何在英雄難重論故基仍岳
立遺堞尚雲屯當極土功壯安知人力煩天遊戒東首據
昔駐龍軒何必金湯固無如道德藩微臣諒多幸參乘偶
殊恩預此陳古事敢奏興王言

春日幸龍門應制

武三思

鳳駕臨香地龍輿上翠微星宮含兩色月殿抱春輝碧澗
長虹下雕梁早鷺歸雲疑浮寶蓋石似拂天衣露草侵堦
長風花遶席飛日斜宸賞洽清吹入重闈

駕幸龍門應制

宋之問

宿雨濟氛埃流雲渡城闕河堤柳新翠苑樹花初發洛城
花柳此時濃山水樓臺映幾重郡公拂霧朝翔鳳天子乘
春幸鑿龍鑿龍近出王城外羽從琳瑯集作擁軒蓋雲罕
纔臨御橋水天衣已入香山會山壁巖巖斷復連清流澄
澈俯伊川塔影遙遙綠波上星龕奕奕翠微邊層巒舊長
千尋木春壑初飛集作百道泉彩仗紅旌繞香閣下輦登
高望河洛東城宮闕擬昭回南陌溝塍殊綺錯林下天香
七寶臺山中春酒萬年杯微風一起祥花落仙樂初鳴鳳
鳥來鳥來花落紛無已稱觴獻壽霞烟裏歌舞淹留景欲

二行詩末少在

斜石關猶駐五雲車鳥旂翼翼留芳草龍騎駉駉映晚花
千乘萬騎鑾輿出水靜山空嚴警蹕郊外喧喧引看人傾
都南望屬車塵囂聲引颺開黃道佳氣周旋入紫宸先王
定鼎山河固寶命乘周萬物新吾君不事瑤池樂時雨來
觀農扈春
時左史東方虬詩先成御賜錦袍及之問奏此詩上
奪袍以賞之

琳琅集作初飛集作

是卷校正一百九十一字四月初十日汴州記

文苑英華卷第一百七十八

文苑英華卷第一百七十九

詩二十九

應令 附 應教

應令三十七首

應教二十四首

應令

侍遊新亭應令

梁簡文帝

神襟愍行邁岐路愴徘徊遙瞻十里陌傍望九成臺鳳管
流虛谷龍騎籍春步曉光浮野映朝煙承日迴沙文浪中
積春陰江上來柳葉帶風轉桃花含雨開聖情蘊珠綺札
命表英才顧憐砮砮質何以儷瓊瓌

餞廬陵內史王修應令

同前

餞行臨上節開筵命羽觴迴池瀉飛棟濃雲垂畫堂踈槐

未合影反日暫流光園梅歛新藻階蕙結初芳

奉和簡文帝太子應令

劉孝威

太子天下本元良萬國貞周朝推上嗣漢代慙重明前星
涵瑞彩游雷揚遠聲三善得樂正百行紀司成九流遍已
辨七經咸所精博聞強子政高才陵長卿禮尊逾屈已德
盛益卑情仙菊類聚作氣貽鍾相儒道推栢栢榮延賢博望苑視
膳長安城園綺隨金輅浮丘侍玉笙智囊前歛笏端士後
垂纓九仙良所重四海更垂纓初學記作誰輕類聚作東傾班輪同笨
乘甲館類聚作觀齊蓬衡

奉和六月壬午應令

前人

玄圃棲金碧虛澗挹一作抱琨瑤築山圖碣岫穿池控一作類
海潮雷奔石鯨動水濶牽牛遙乘龜猶怯渡鞭石遂成一作
為橋崖崩下生窟壁峭上千霄躁蛙常獸沸遊魚或自跳
荒徑橫臨浦空舟斜插橈愁鳴集古樹白鷺隱青苗神作一作
乍心重丘壑散步一作微懷漁樵石壘元卿徑枝掛許由瓢
伊臣本寂寞一作默由來畏市朝為貪山水心所意惟逍遙
寄言周伯沈勞君擅縠綃一作皆雜詠

侍宴餞陸倕應令

蕭子顯

儲皇餞離送廣命傳羽觴侍遊追曲水開宴等清漳新泉
已激浪初卉始含芳雨罷葉增綠日斜樹影長

餞張惠詔應令

劉孝綽

鮮雲積上月凍雨晦初陽迴風翻類聚作揚集作飄淑氣落景煥

一作意

集類聚
皆作庭

集本類聚
並作煥
新光竹萌始防露桂樾集作已含芳瑤階變杜
若玉沼發攢蔣聖襟集作惜岐路曲宴闢蘭堂

侍宴離亭應令
前人

輟轅東北望江漢西南水羽旗映日移鏡吹臨風警令王
愍追送纒集本類聚舟宴俄頃掩袂眺征雲啣杯惜餘景

首燕徒有心局步何所集本類聚並作由騁

侍宴集賢堂應令
前人

北閣類聚時既作啓西園又已闢官屬引鴻鷺朝行命金
璧伊臣歎可取隆恩徒自惜布武登玉墀委坐陪瑤席綢

繆叅宴笑淹留奉觴醪壺人告漏晚烟霞起將夕反景入

池林餘光映泉石

侍宴應令
庾肩吾

副君時暇豫魯城聊近遊清池瀉飛閣踈樹出龍樓北陸
冰方壯西園春欲抽類聚梅心芳屢動蒲節促難收徒然

欣類聚並命無以厠應劉

侍宴宣猷堂宴湘東王應令
前人

陳玉驂駕反副后西園遊並命登飛閣列樹類聚對芳洲
桂嶠逢暮序菊水值窮秋竹徑簫聲發蘭門琴曲幽徒奉

文成誦空知思若抽

從皇太子出玄圃應令
前人見初學記

春光起麗樵疑步陟山椒閣影臨飛蓋鶯鳴入洞簫水還
澄故渚樹長合前橋綠荷生綺葉丹藤上細苗顧循慙良

文苑英華

朱明

藻何用擬瓊瑤

侍宴宣猷堂應令

前人 見初學記

副君德將聖陳王才挾天歸來宴平樂置酒對林泉爐香
雜山氣殿影入池連豔舞時移節新歌屢上絃聽曲慙回
顧思經徒欲眠

侍宴餞湘東王應令

前人

陳王從遊士高宴入承華並載同連壁雕文類簡一作沙

落後時動樹墜雪乍類聚作慙搥花念此離筵促方愁別路賒

奉和太子納涼梧下應令

前人

北園涼氣早步輦暫逍遙避日交長扇迎風列短簫山帶
彈琴曲桐橫棲鳳條懸門開溜水錦石鎮浮橋黑米生旅

葉青花出稻苗無因學仙藻雲氣從飄颻

奉和春夜應令

前人

春牖對芳洲珠簾新上鈎燒香知夜漏刻燭驗更籌天禽
下北閣織女入西樓月皎疑非夜林疎似更秋水光懸蕩
壁山翠下添流詎假西園讌無勞飛蓋遊北閣集作天禽 魏以星一
北閣天禽 名天雞星

暮遊山水應令得磧字

前人

餘香屬清夜西園恣遊歷入逕轉金輿開橋通畫艦類聚作鷓
細藤初上援新流漸涵磧雲峰沒城柳電影開巖壁

侍宴餞安太守蕭幾應令

劉孺

芝蓋延藻類聚作近薄景畫石寫岫雲玄覽多該洽聖恩究前
聞微密操類聚作探精義優游妙典墳餞飲參多士言贈賦新

文

侍宴錢東陽太守蕭子雲應令 張纘

仲月發初陽輕寒帶春序綠池解餘凍丹霞霄新雨良守

謁承明徂舟式類聚作戒蘭渚皇儲惜蔣邁金樽晉宴醕

征虜亭送新安王應令 徐陵 類聚作張正見

鳳吹臨南浦神駕餞東平亭迴漳水乘旆轉洛濱笙地凍

斑輪響風嚴羽蓋輕燒田雲色暗古樹雪花明岐路一迴

首流襟動睿情

奉和夏日應令 庾亮 庾信

珠初學記作朱簾卷嚴日翠幕蔽重陽五月炎蒸氣初學記作氣蒸三

時刻漏長麥隨風裏熟梅逐雨中黃開冰帶井水和粉雜

生香衫含蕉葉氣扇動竹風涼早菱生軟角初蓮開細房

願陪仙鶴舉洛浦聽笙簧

侍宴東宮應令 于仲文

銅樓充震位銀榜集佳賓青宮列糾纓紫陌結朱輪絃調

寶瑟曲歌動畫梁塵金卮傾斗酒瓊筵列八珍花驚度翠

羽萍散躍蘋鱗承恩叨並作扣寂繞陽春

侍皇太子宴應令 沈君道

副君監撫暇禁苑暫停輿初學記作車水落金沙淺雲高玉葉

踈隨厨白羽扇學記作燕逐釣紫鱗魚飽德良無已榮陪終宴

餘

同前 一作和初春 宴東堂應令 劉端 見初學記

睿賞叶春芳開筵臨畫堂庭梅飄早粉簷柳變初黃八珎
羅玉俎九醞湛金觴等響流飛閣歌塵拂妓行何必西園
夜空承明月光

奉和愁秋應令

王冑

秋天擬文學秋水擅莊蒙草濕蕪葭露波卷洞庭風便坐
翻桑葉一作葉長坂歇蘭蓂簷喧猶有鷺波一作波靜未來鴻

蟬噪一作唱聞疑斷池清映似空劉安悲落木曹植歎征蓬

重明豈凝滯無累在淵冲隨時四序合應物五情同發言
形惻隱睿作挺神功下材均朽木何以暮雕蟲

此篇前五韻按初學記作蕭愨秋日詩文苑一百五
十八卷復云庾信作而此卷乃十韻共題王冑

作觀其詞意只是一篇當以此本為正

宴樂修堂應令

江惣見初學記

肅城通甲觀承華啓畫堂北宮降恩賞西園度羽觴殊恩
奉玉裕終宴在金房庭暉連樹彩簷影接雲光仙如伊水
駕樂似洞庭張彈絲命琴瑟吹竹動笙簧庸踈濫應阮衰
朽惡連童

奉和初秋西園應令

蕭愨見初學記

池亭三伏後林館九秋前清冷聞泉石散漫雜風煙藻開
千葉影樞豔百枝燃約嶺停飛旆凌波動畫船

奉和初春出遊應令

李百藥

鳴笳出望苑飛蓋下芝田水光浮落照霞彩淡輕烟柳色

臨三月梅花隔二年日斜歸騎動餘興滿山川

奉和禁苑餞別應令

褚亮

大蕃初錫瑞出牧邇皇京暫似綠車重言承朱傳榮舒桃
臨遠騎垂楊映軍營惠化宣千里威風動百城禁御芳春
初學記節神襟餞送情金徒催別景玉管切離聲野花開
作嘉且落山鳥弄還驚微臣夙多幸薄官奉儲明鈞臺慚作賦
伊水濫聞笙懷德良知久酬恩識命輕

奉和同太子監守違戀

韓王元嘉

乾象開層構離明啓少陽卜征從獻吉守器屬元良逖矣
凌周頌遙哉掩漢莊好士傾南洛多才盛北陽初學記地
分冊驚嶺途間白雲卿儲誠虔曉夕宸愛積炎涼珠璧連

甯漢萬物仰重光

同前

薛元超

儲禁銅扉啓宸行王軌遙空懷壽街吏尚隔寢門朝地首
瞻龍戟塵外想鸞鏡飛文映仙榜瀝思叶神飈帝念紆蒼
陸乾文煥紫霄雲塘橫筆海平圃山海經槐江之山
實維帝之平圃振詞
條欲應重輪曲鏘洋韻九韶

汴水早發應令

虞世基

夏山朝萬國軒庭會百神成功疇與讓盛德今為隣區宇
屬平一度類仰陶鈞鑿蹕臨河濟裘冕肅柴裡啓行分七
萃備物象三辰初初亘原隰濟濟咸措紳暢谷昇朝景青
丘發早春袞衣敷帝則分噐叙藝倫臨淄成誦美河澗雅

初學記
作較非

樂陳薰風穆已被茂實久逾新

奉和長壽宮

初學記作壽春應令

虞世南

瑤山盛風樂南皮象逸遊何如事巡撫民瘼諒斯求文鶴
揚輕蓋蒼龍飾桂舟汎沫紫沙嶼寒澌擁急流路指八仙
館途經百尺樓眷言昔游踐回駕且淹留後車喧鳳吹前
旌映采遊龍驂駐六馬飛閣上三休調諧金石奏歡洽羽
觴浮天文徒可仰何以廁琳球

追從鸞輿夕頓戲下應令

前人

重輪依紫極前耀奏丹霄天經戀宸宸帝命危仙鑣乘星
開鶴禁帶月下虹橋銀書含曉色金輅轉晨飈霧徹軒雲
初學記近塵暗斗城遙蓮花分綉萼竹箭下驚潮撫已慙

龍幹承恩集風條瑤山盛風樂抽簡薦徒謠

春日出苑遊

唐玄宗

太子時作附見張說集

三陽麗景早芳辰四序家園物候新梅花百般障去路垂
柳千條暗迴津鳥驚直為飛風葉漁沒都由怯岸人唯願
聖主南山壽何愁不賞萬年春

和同前應令

張說

見集本

禁林豔裔發青陽春望逍遙出畫堂雨洗亭臯千畝綠風
吹梅李一園香鶴飛不去隨清管魚躍翻來入綵航睿賞
歡承天保定道文更覩日重光

同前

賈會

銅闌曉闕問安迴金輅春遊博望開渭水清光搖草樹終

南佳氣入樓臺招賢已從商山客託乘還徵鄴下才臣在
東周歎晉滯忻逢睿藻日邊來

皇太子頻賜存問并索唱和新詩因有陳謝

釋廣宣

望苑招延後禪扉訪道餘祗言俟文雅何意及庸虛率性
多非學緣情偶自書清風聞寺響白日見心初重道逢軒
后崇儒過魏儲青宮列芳梓玄圃積瓊瑤鄭胤寧容者齊
等久舍諸空懷受恩感舍思幾躊躇

應教

和晉安王薄晚逐涼北樓迴應教 庾肩吾

向夕紛誼屏迎涼飛觀中樹影臨城日窓舍度水風遙天

如接岸帆影似陵空陪文懸宋玉徒等待蘭宮

詠朝牀應教

前人

傳名乃外域入用信中京足歆形已正文斜體自平臨堂

對遠客命旅誓初征何如淄館下淹流奉盛明

奉和汎舟漢水往萬山應教

前人 見初學記

桂棹棠棠船飄揚橫大川映巖沈水底激浪起雲邊迴

迴岸高花發春塘細草懸陪歌乘睿賞接醴侍恩筵誰云

李與郭歎得似神仙

北園新齋成應教

庾信

紅粉跂鳥翼山節拱蘭枝畫梁雲氣繞雕窓玉女窺月懸
唯天照蓮開長倒垂盤根細壤石行雨暴澆池長藤連格

徒疑作

徙高樹帶巢移鳥聲唯雜曲花風直亂吹白虎題書觀玄
熊帖射皮文絃入舞曲扇月掩歌兒玉節調笙管金船代
酒卮若論曹子建天人本共知

春初賦德池應教

張正見

遙天收密雨高閣映奔曦雪盡青山路冰消綠水池春光
落雲葉花影發晴枝琴樽奉終宴風月豈云疲

從籍田應衡陽王教

前人

帝京惟赤懸宸居映紫微塗山萬國仰滄海百川歸東歸
事平秩仲月祀靈威含光開早扇閭闔啓朝扉洛城鍾漏
息靈臺雲霧卷森森虎戟前靄靄鸞旗轉屬車猶類聚作遊絳
闕風馬類聚作鳥度舟嘯帳殿幸金輿旌門擁玉輦玉輦常飛

烟金輿映綠川雨師青遠路風伯靜遙天分渠通沃野激

水入類聚作繞公田草發青壇外花飛蒼玉邊前作陳

珪壁青壇躬帝籍冒擻乃三吹齊衡均百辟蘭場儼芝駕

桂圃芳瑤席山禽詠管絃野獸和鍾初學記石鍾石既相

和江海復無波梁客簪裾盛陳王文雅多修塗參弱駘喬

木閉類聚作間輕羅幸承温吹末繫壤自為歌

衡陽王秋夜應制

前人

睢苑涼風入章臺雲氣收螢光連燭動月影帶河流綠綺

朱絃泛黃花素蟻浮高軒揚麗藻即事賦新秋

賦得新題梅林輕雨應教

前人

梅樹耿長虹芳林散輕雨蜀郡隨仙去陽臺帶雲聚飄花

文苑英華卷一百一十九

更濯枝潤石還侵柱誰初學記得零陵鷺隨風時共舞

詠雪應衡陽王教

前人

九冬飄遠雪六出表豐年睢陽生玉樹雲夢起瓊田入窓
輕落粉拂柳駛飛綿欲動淮南賦亂下桂花前

暮秋望月示學士各釋愁應教 徐儀

碣石寒光遠 秋色高長洲正下葉曲岸已飛濤君王

悵晚節延佇謁神臯復屬西園夜輕輦暫遊遨遊遨未云

嘗蒼梧孤月上枝間影合離波上光來徃此夕未央宮應

照仙人掌掌高明轉淨夜深番睿想處處敞高局流照滿

珠庭重輕入雅曲合璧應祥經燦爛浮珠網參差間玉星

山幽有芳桂林靜發新萱冀開在帝城分枝共月明斜暉

漸西落彌軫 歸情驂駕且來遊聖藻命舒愁詢芻以蠲

痲參妙本難酬良吏稱太閔因時命應劉楚王追綠兕齊

后出青丘馳原落雲翼截水曳吞舟無勞子虛吒即事可

忘憂

賦得微雨東來應制 諸葛穎

微雨間初學記東峰散漫灑長松澗蒲新流濁山霑積翠

濃風起還吹鷺雲來本送龍登年隨玉燭名山定可封

奉和望山應教 蕭愨

仙遊本多趣復此上秋初巖低石倒嶮嶺高松更踈峰形

疑鳥翅塞路似狼居矚望清初學記無已詞殫意有餘

奉和濟黃河應教 前人

文苑英華 卷一百一十五 賦得微雨東來應制

大蕃連帝室。駢駕奉皇猷。未明驅羽騎。凌晨方畫舟。津城
度維錦。岸柳夾緹油。物學記聲揚別島旗。影照蒼流早。
光生劍服朝。風起節樓滔。滔細波動裔。裔輕旆浮迴。繞避
近磧放舳下。前洲全疑上天漢。不異謁蓬丘。望知雲氣合。
聽識水聲秋。從軍何等樂。喜從神仙遊。

奉和晚日揚子江應教

柳顧言

詰旦今鏡發。駢駕出城闈。鮮雲臨葆蓋。細草藉班輪。千里
烟霞色。四望江山春。梅風吹落葉。酒雨滅青塵。日斜歡未
踴。睿想良非一。風生疊浪起。霧卷孤帆出。揆藻麗繁星。高
論光朝日。空美鄒枚侶。終謝淵雲筆。

初學記亦載一篇其題目與柳顧言姓名並同詩却云
大江都會所長州有舊名西流控岷蜀東流遡蓬瀛未

觀織羅動先驅遠濤聲空濛雲色晦淡疊浪花生欲知
暮雨歇當觀飛旆輕未詳

梅夏應教

薛道衡

長廊連紫殿。細雨應黃梅。浮雲半空上。清吹隔池來。集鳳
桐花散。勝龜蓮葉開。幸逢爲善樂。頻降食時才。

詠寒食聞雞應秦王教

杜淹

寒食東郊上。雜詠作道揚鞞競出籠。花冠初照日。芥羽正生風。
願敵知心勇。先鳴覺氣雄。長翹頻掃陣。利爪雜詠作距屢通中。
飛毛遍綠野。灑血積雜詠作散芳藂。雖然百戰勝。會自不論功。

奉教追赴九成宮途中口號

李嶠

委質承仙翰。祇命遙遙策。事偶從梁游。人非背淮客。長驅
歷川阜。迴眺窮原澤。鬱鬱桑柘繁。油油禾黍積。雨餘林氣

靜日下山光夕未攀叢桂巖猶倦飄蓬陌行當奉麾蓋慰
此勞行役

宴龍泓 有序
不錄

梁王武三思 附見宋
之問集

登臨開勝託眺矚盡良游崑嶸索紆上澄潭曲屈流泛蘭
清興洽折桂野文道別後相思處崎嶇碧澗幽

奉和梁王宴龍泓應教

宋之問

水府淪幽壑星軺下太微鳥驚司僕馭花落侍臣衣芳樹
搖春晚晴雲逸坐飛淮王正晉客不醉莫言歸

奉和夏日遊山應教

蔡文恭

首夏林壑清薄暮烟霞上連巖聳百仞絕澗臨千丈照灼
晚花鮮潺湲夕流響悠然動睿思息駕尋真賞揆彼澗川

作懷茲洛濱想竊吹等齊竿何用承恩獎

勅借岐王九成宮避暑之作應教

王維 見集本

帝子遠辭丹鳳闕天書遙借翠微宮隔窓雲霧生衣上捲
幔山泉入鏡中林下水聲喧笑語巖間樹色隱房櫺仙家
未必能勝此何事吹笙向碧空

從岐王過楊氏別業應教

前人 見集本

揚子談經處淮王載酒過興闌啼鳥喚坐久落花多逕轉
迴銀燭林開散玉珂嚴城時未啓前路擁笙歌

從岐王夜宴衛家山池應教

前人 見集本

座客香貂滿宮娃綺幔張澗花輕粉色山月吐燈光積翠
紗窓透 集作
暗 飛泉綉戶涼還將歌舞出歸路莫愁長

此卷按訂一百九十五字四月十日

文苑英華卷第一百七十九

文苑英華卷第一百八十

詩三十

省試 州府試附

玄元皇帝應見賀聖祚無疆三首

皇帝移晦日為中和節一首

主上元日夢王母獻白玉環一首

元日望含元殿御扇開合一首

元和布澤一首 中和節詔賜公卿尺三首

清明日賜百僚新火三首

九月九日勤政樓觀百寮獻壽一首

南至日隔霜伏望含元殿爐香三首

長望日上公獻壽三首 恩賜耆老布帛二首

恩賜魏文貞公諸孫舊第以道直臣二首

御製段太尉碑二首 御題國子監門一首

御箭連中雙兔一首 太學創置石經一首

觀南郊回仗一首 聞擊壤一首

膏澤多豐年一首 東都父老望幸一首

嵩山望幸一首 華清宮望幸一首

謁見日將至雙闕一首 望凌烟閣一首

望禁苑祥光一首 晨光動翠華一首

觀北番謁廟一首 西戎即叙一首

焚裘一首 觀慶雲圖三首

俯試觀開元皇帝東封圖一首

藩臣戀魏闕一首

玄元皇帝應見賀聖祚無疆 殷寅

應曆生周日脩祠表漢年復茲秦嶺上更似霍山前昔贊

神功起今符聖祚延已題金簡字仍訪玉堂仙睿祖光元

始曾孫體又玄言因六夢接慶叶九靈傳北闕心超矣南

山壽固然無由同拜慶竊林賀陶甄

同前 李岑

皇綱歸有道帝系祖玄元運表南山祚神通北極尊大同

齊日月興廢應乾坤聖后趨庭禮宗臣稽首言千官欣賜

覩萬國賀深恩錫宴雲天接飛聲雷地喧祥雲飛紫閣喜

氣繞皇軒未預承天命空勤望帝門

同前

趙鐸

聖主今司契契神功格上玄豈唯求傳野更有叶鈞天雷雷夢
西山下焚香北闕前道光尊聖日福應集靈年咫尺真容
近巍峩大象懸觴從百寮獻形為萬方傳聲教惟皇美英
威固邈然慚無美周頌徒上祝堯篇

皇帝移晦日為中和節

王季友

雜詠作
呂涓

皇心不向晦改節號中和淑氣同風景佳名別詠歌漸裙
移舊俗賜尺下新科曆象千年正醑醪四海多花隨春令
發鳥度歲陽過天地齊休慶歡聲欲盪波

主上元日夢王母獻白玉環

丁澤

夢中朝上日闕下拜天顏彷彿瞻王母分明獻玉環靈姿

雜詠
作盪

雜詠
作容

趨甲帳悟道契玄關似見霜姿白如看月彩孿霓裳歸物
外鳳歷曉人寰仙聖非相遠昭昭寤寐間

元日望含元殿御扇開合

張莒

大中十三年
吏部

萬國來初歲千年覩聖君輦迎仙仗出扇匝御香焚俯對
朝元近雜詠
作見先知曙色分冕旒開處見鍾磬合時聞影動
承朝日花攢似慶雲蒲葵那可比徒用隔炎氛

元日和布澤

潘孟陽

至德生成泰成歡煦育恩流輝沾萬物布澤在三元北闕
祥雲迥滿東方嘉氣繁青陽初應律蒼玉正臨軒恩洽因時
令風和比化元源自慚同草木無以答乾坤

中和節詔賜公卿尺

陸復禮

見元八年宏
詞見雜詠

春仲令初吉歡樂大中皇恩貞百度寶尺賜群公欲使
方隅法還令規矩同捧觀瓊質麗拜受聖心崇如荷丘山
重恩酬方寸功從茲度天地與國慶無窮

同前

裴度

淑景風光媚景雜詠 作節皇明寵賜重具察頒玉尺成器幸良

工豈止尋常用將傳度量同人何不取則物亦賴其功紫

翰宣殊造冊誠勵匪躬奉之無失墜恩澤自天中

同前

李觀

陽和行慶賜尺度為臣工一作及 群工寵荷乘一作承佳節傾心

立大中短長恩合製遠近貴相同共荷裁成德將酬分寸

功作程施有用一作改垂範播無窮願續延洪一作南壽千春

奉聖躬

一作皆雜詠

清明日賜百寮新火

韓濬大曆十年 西都省試

朱一作玉騎傳紅燭天厨賜近臣火隨黃道見煙遶白榆新

榮耀分他日一作室恩光拱紫宸更調金鼎味一作膳還煖玉

堂人灼灼千門曉輝輝萬井春應憐螢聚夜瞻望及東隣

同前

史延

上苑連侯第清明及暮春九天初改火萬井屬良辰頒賜

恩逾洽承時慶一作雜詠 亦均翠烟和柳嫩紅焰出花新寵命

尊三老祥光燭萬人太平當此日空復賀陶甄

同前

王濯

御火傳香殿華光及侍臣星流中使馬燭耀九衢人轉影

雜詠 作腹

連金屋分輝麗錦茵
燭迎紅蓋發烟染綠條
春助律和風
早添鑪暖氣新
誰憐一寒玉
猶望照東隣

九月九日勤政樓下觀百寮獻壽

御氣黃花節臨軒紫陌頭
早陽生彩仗霽色入仙樓
獻壽皆鴛鴦瞻天盡
冕旒菊罇過九日鳳曆肇千秋
樂奏薰風起盃酣瑞影收
年年歌舞度此地慶皇休

南至日隔霜伏望含元殿爐香
崔立之貞元六年見雜詠

千官賀長至萬國拜含元
隔仗鑪光出浮霜烟氣翻
飄飄紫內殿漠漠澹前軒
聖日開如捧卿雲近欲渾
輪烟洒官闕蕭索散乾坤
願惹天風便披香捧至尊

同前
裴次元一作郭遵

冕旒初一作親負宸弁服
盡朝天暘谷初移一作移初日金爐漸起一作出御
烟芬香流遠近散漫入貂蟬
霜仗凝逾白朱欄映轉鮮
始看浮闕在稍見一作竟覺逐風遷為沐
皇家慶來瞻羽衛前一作皆雜詠

同前
王士良一作車絢

抗殿疏龍首高樓接上玄
節當南至日星是北辰
天霜一作寶戟羅仙仗
金鑪引御一作端烟霏微霜闕近
溶曳九門一作州連拂樹祥光滿
分晴曙一作曉色鮮一陽今在曆
生植願陶甄一作皆雜詠

長至上公獻壽
張叔良

鳳闕晴鍾度一作動雞人曉漏長
九重初起鑰三事盡一作正

稱觴日至龍顏近天旋聖曆昌休光連雪淨瑞氣雜爐香
化被君臣洽恩沾士庶康不因稽舊典誰得記一作朝章

同前

一作皆雜詠 李竦

候曉金門闕乘時玉曆長羽儀瞻上宰雲物麗初陽漢禮
方傳珮堯年正捧觴日行臨觀闕帝錫洽珪璋盛美超三
代洪休降百祥自憐朝不坐空此詠無疆

同前

李竦

應律三微一作首朝天萬國同斗邊看子月臺上候祥風

五夜鍾初曉千門日正融玉階文物盛仙仗虎雜詠作武 唐諱虎字

貔雄率舞皆群辟稱觴即上公南山為聖壽長對未央宮

恩賜耆老布帛

崔宗

渙汗中天發殊私海外存衰顏逢聖代華髮受皇恩燭物
明堯日垂衣闕禹門惜時悲落景賜帛慰餘魂原澤沾祥
詠微生保子孫盛明今尚齒歡洽九衢罇

同前

張複元 類詩作 崔樞

殊私及耆老聖慮軫玄元布帛忻天錫生成在主恩情均
皆挾纊禮異賁丘園慶洽時方大仁瞻月告存寧知酌雨

露空識荷乾坤擊壤將何幸徘徊對九門類詩作 望九門

恩賜魏文真公諸孫舊第以道直臣 陳彥博類詩作 陳九詠

阿衡隨逝水地館主他人天意能酬德雲孫喜庇身生前

由直道歿後振芳塵雨露新恩日芝蘭舊里春勲庸留千

代光彩映諸隣共賀昇平日從茲得諫臣

同前

裴大章

邢茅雖舊錫第卽是初榮迹往傷遺事恩深感直聲雲孫
方慶襲池館忽春生古甃開泉井新禽繞畫楹自然垂帶
礪况復激忠貞必使十年後長書竹帛名

御製段太尉碑

葉元良

多難全高節時清軫聖君園塋標石篆雨露降天文義激
忠貞沒詞傷蘭蕙焚國人皆墮淚王府已名勲揭出臨新
陌長留對古墳睿情幽感處應使九泉聞

同前

薛有誠

葬儀從儉禮刊石荷堯君露迹垂繁藻天哀滿麗文詔深
祭嗣子海變記孤墳寶思皆涵象皇心永念動雅詞黃絹
妙渥澤紫泥分青史應同久芳聲萬古聞

御題國子監門

宸翰符玄造榮題國子門筆鋒迴日月字勢動乾坤簷下
雲光絕梁間鵠影翻張英聖莫擬索靖妙難言爲著盤龍
迹能彰舞鳳躡更隨垂露像常以沐皇恩

御箭連中雙兔

宸遊經上苑羽獵向閑田狡兔初迷窟織驪詎著鞭三驅
仍百步一發遂雙連影射含霜草魂消向月弦驩聲動寒
木喜氣滿晴天那似陳王意空隨樂府篇

太學創置石經

馮涯

聖唐復古制德義功無替奧旨悅詩書遺文分篆隸銀鈎

互交映石壁靡塵翳永與乾坤期不逐日月逝儒林道益
廣學者心彌銳從此理化成恩光遍遐裔

觀南郊回仗

傳警千門寂南郊綵仗迴但驚龍再見誰識日雙開德澤
施雲雨恩光變燼灰閱兵貔武振聽樂鳳凰來候刻移宸
輦尊時集觀臺多慚遠臣賤不得禮容陪

聞擊壤

石殷士

堯年聽野老擊壤復何云自謂歡由已寧知德在君氣平
閑易暢聲賀作難分耕鑿方隨日恩威比望雲簣桴均下
調和木等南薰無落於吾事誰將帝已聞

膏澤多豐年

張聿類詩作
裴夷直

帝德方多澤每每井逕同八方甘雨布四遠報年豐厥
千廂在幽流萬壑通候時勤稼穡擊壤樂農功畝畝人無
惰田廬歲不空何須憂伏臘千載賀堯風

類詩作
荷堯風

東都父老望幸

鄭夔

鑾輿秦地久羽衛洛陽空彼土雖憑固茲川乃得中龍顏
覲白日鶴髮仰清風望幸誠逾邈懷來意不窮昔因封泰
岳今佇躡維嵩天地心無異神祇理亦同翠華翹渭北玉
檢候關東眾願其難阻明君早勒功

嵩山望幸

王邕

峻極位何崇方知造化功降靈逢聖主望幸表維嵩隱映
連青壁嵯峨向碧空象車因叶瑞龍駕願升中萬歲聲長

在千巖氣轉雄東都歌盛事西笑佇皇風

華清宮望幸

驪岫接新豐堯岩駕碧空鑿山開秘殿隱霧蔽仙宮絳闕
猶棲鳳雕梁尚帶虹溫泉曾浴日華館舊迎風肅穆瞻雲
輦深沉閉綺龍東郊望奇處瑞氣靄濛濛

謁見日將至雙闕

曉色臨雙闕微臣禮位陪遠驚龍鳳觀誰識冕旒開藹藹
千年盛顯顯萬國來天文標日月時令布雲雷迴出黃金
殿全分白玉臺雕蟲竟何取瞻戀不知迴

望凌烟閣

劉公興

畫閣凌虛構遙瞻在九天丹楹崇壯麗素壁繪勳賢藹藹

浮元氣亭亭出瑞烟近看分百辟遠揖誤群仙圖列青霄
外儀刑紫禁前望中空睿景驥首幾留連

均王禁苑祥光

樹遙

類詩作
樹搖

山雲霧

類詩作
仙雲霧

張聿

佳氣生天苑葱籠幾效祥樹遙三殿際日映九城傍山霧
寧同色卿雲未可彰眺汾疑鼎氣臨渭想榮光當並春陵
發應開聖曆長微臣時一望短羽欲飛翔

晨光動翠華

早朝開紫殿佳氣逐清晨北闕華旌在東方曙景新影連
香露合光媚慶雲頰鳥羽飄初定龍文照轉真直疑冠佩
入長愛冕旒親搖動祥雲裏朝朝映侍臣

觀北藩謁廟

王卓

蕭蕭層城裏巍巍祖廟清聖恩覃布獲異域獻精誠冠蓋
分行列戎夷變姓名禮終齊百拜心潔盡忠誠瑞氣千重
色簫韶九奏聲仗移迎日轉旆動逐風輕休運威儀盛豐
年俎豆盈不堪慚頌德空此望簪纓

西戎即叙

李子昆

懸首藁街中天兵破大戎營收低隴月旗偃度湟風肅殺
三邊勁蕭條萬里空元戎咸服罪餘孽盡輸忠聖理符軒
化仁恩契禹功降逾洞庭險梟擬卸支窮已散年疑容捷
還資妙筭通今朝觀即叙非與獻葵同

焚裘

今主臨前殿懲奢焚異裘忽看陽焰發如覩吉光流麗彩
辭宸宸餘香在御樓火隨餘燼滅氣逐遠煙浮素朴回風
變凋華逐志休大垂恭儉德千古揖皇猷

觀慶雲圖

李程

五雲從表瑞藻繪宛成圖柯葉何時改丹青此不渝非烟
色尚麗似蓋狀應殊渥彩看猶在輕陰望已無方將遇翠
幄那羨起蒼梧欲識從龍處今逢聖合符

同前

柳宗元

見集本

設色方成象卿雲示國都九天開秘旨百辟贊嘉謨抱日
依龍袞非烟近御爐高標連汗漫廻望接虛無裂素雲光
發舒華瑞色敷恒將配堯德垂慶代河圖

同前

李行敏

漁素傳休祉，丹青狀慶雲。非烟凝漠漠，似蓋乍紛紛。尚駐從龍意，全舒捧日文。光因五色起，影向九霄分。裂素觀嘉瑞，披圖賀聖君。寧同窺汗漫，方此覩氛氲。

府試觀開元皇帝東封圖

馬載

儼若翠華舉，登封圖乍開。冕旒明主立，冠劍侍臣陪。迹類飛仙去，光同拜日來。粉痕疑檢玉，黛色訝生苔。挂壁雲將起，陵風仗若迴。年年復東幸，魯叟望悠哉。

藩臣戀魏闕

蔣防

剖竹隨皇命，分憂鎮大藩。恩波懷魏闕，獻納望天閭。政奉南風順，心依北極尊。憂魂通玉陛，動息寄朱軒。直以蒸黎念，思陳政化源。如何子牟意，今古道斯存。

此卷改定二百八十九字今日至瓊島北岸埽除抱素書
屋移置几案安排筆硯為長夏讀書之地向夕始返

文苑英華卷第一百八十 四月十一日汲冢手記